

事纂

三之四

内閣文庫			
三	函	八	和書
三	函	三	書
架	冊	號	類

内閣文庫			
三	函	八	和書
三	函	三	書
架	冊	號	類

内閣文庫	
番號	和 18603
冊數	56 (8)
函號	210 53



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak







事纂卷之三

天道門三

霜部

葉滿林紅

大衛郎遊倅臣淺井奉政撰

淺草文庫

源順初冬遊栖霞寺詩序曰我王不好勁捷
不求神仙樂山水於閑中翫景物於秋夜矣

觀夫霜迎冬白葉滿林紅樹々傳錦里之風
枝々帶炎州之火文粹

雪部

赤雪二寸

天平十四年春正月陸奥國言部下黑川郡
以北十一郡雨赤雪平地二寸續日本紀

公卿會飲

貞觀十四年十一月八日通夕雪未止右大臣
已下參議已上於侍從所賞雪會飲詔以

内藏寮綿賜之各有差侍從五位以上亦預

賚焉 三代實錄

六月散落

貞觀十七年六月四日太政官曹司廳南門

雪卷散落

慶新雪

元慶五年十一月十九日雪猶未止敕賜六

府少將佐已下見在陣座及五位已上在侍
從所者綿各有差外記内記亦預之慶新雪

逐風醉醒

藤原篤茂詩序曰于時雪飛冬天酒催夜酌
片片之色飄白醺々之氣消紅逐風斜廻千
日之醉忽醒迎日未盡十分之戶非高至夫
盈尺之光呈祥同雲之影帶冷劉伯倫宅誰

知麥麴之有英王無公鄉只恨聖賢之無意
則知九醞之味釀而非薄六出之花亂以更
寒者也既而金壺漏促玉聲詩成積思於胸
臆之中極筆於烟霞之表文粹

六月降深

治曆四年六月二十四日肥後國阿蘇山雪
降深五六寸扶桑略記

露部

如綿甘露

天武天皇七年十月有物如綿零於難波長
五六尺廣七八寸則隨風以飄于松林及葦
原時人曰甘露也日本書紀

電部

過陽伏陰

元慶八年夏四月九日申時雷電雨雹摧傷
草木之葉占曰凡電者冬之過陽夏之伏陰
也過陽冬溫伏陰夏寒矣三代實錄

冰部

野中冰室

仁德天皇六十二年額田大中彥皇子獵于
鬪雞時皇子自山上望之瞻野中有物其形
如廬仍遣使者令視還來曰窟也因喚鬪雞
稻置大山主問曰在其野中者何窟矣啟曰
冰室也皇子曰其藏如何亦奚用焉曰掘土

大餘以草蓋其上，敷敷茅荻，取水以置其上。既經夏月而不泮，其由之即當熱月，漬水酒以用也。皇子則將來其冰獻于御所，天皇歡之。自是以後，每當季冬必藏冰，至春分始散冰也。日本書紀

六月羹凝

夏六月，御膳羹汁凝以作冰。天皇恭異之，卜

其所由，卜者曰：有內亂，蓋親々相奸乎？時有人曰：木梨輕太子，軒同母妹輕大娘，皇女因以推問焉，辭既實也。

加置冰室

天長八年八月乙酉，山城河內國各加置冰室三字，供御闕乏也。日本記畧

雨部

東草笠蓑

既而諸神噴素戔鳴尊曰汝所行甚無賴故
 不可往於天上亦不可居於葦原中國空急
 適於底根之國乃共逐降去于時霖也素戔
 鳴尊結束青草以為笠蓑而乞宿於衆神衆
 神曰汝是躬行濁惡而見逐謫者如何乞宿

於我遂同距之是以風雨雖甚不得留休而
辛苦降矣自尔以来世諱着笠蓑以入他人
屋内又諱負束草以入他人家内有犯此者
必債解除此太古之遺法也 日本書紀

火雨

推古天皇九年居于耳梨行宮是時火雨

九日連雨

白雉三年四月壬寅自此日初連雨水至于
九日損壞宅屋傷害田苗人及牛馬溺死者
衆

黃雨

大同三年三月甲辰黃雨 日本記略

庚戌黃雨

往路汎溢

天長五年五月丁未降雨殊甚京中往路汎
溢或川決山崩水漬人物多漂遣使賑給
右京

道橋流絶

天安元年五月乙丑淫雨未霽洪水汎濫道

橋流絶河堤斷決文德實錄

下如倒井

元慶二年六月十六日雷電雨下如倒井京
城之内溝渠皆溢三代實錄

禱雨部

至德天皇

皇極天皇元年八月幸南淵河上跪拜四方
仰天而祈即雷大雨遂雨五日溥潤天下於
是天下百姓俱称萬歲曰至德天皇日本書紀

聖德感通

和銅八年改元靈龜詔遣使奉幣帛于諸社祈雨

于名山大川於是未經數日澍雨滂沱時人
以爲聖德感通所致焉因賜百官人祿各有

差續日本紀

油雲布族

詔曰去年陰陽并隔秋稼弗登頃者偏冗淹
旬藝殖或損如聞諸國飢疫往々喪亡朕之
菲虛黎尤何罪仰稽前烈德是除邪內求諸

心抑可挹損其朕服御物并常膳等並宜省
減左右馬寮秣穀一切權絕諸作役非要者
量事且停挫圍之中恐有寃者速命所司申
慮放出加之天下諸國有水之處任命百姓
灌溉先貧後富鰥寡孤獨不能自存者量加
賑贍其卧病之徒無人視養多夭折凡國郡
司爲民父母而不顧念豈稱子育宜就班穀

藥令得存濟又免除五畿内七道諸國去承
和二年以往調庸未進在民身者但東海東
山山陽三道驛戶田租限三箇年殊從原免
庶油雲布族施井澤於十旬嘉苗且原貯京
城於萬畝普告遐迹俾知朕意續日本後紀

敕每社雩

承和十二年五月敕比者涉旬不雨新苗將

コカシト 雩時當播殖恐妨農業而今嘉雨稍降井邑
赴農不知畿外之國如渥潤何宜仰五畿内
七道諸國奉幣於名神兼每社雩令祈甘雨
若有雨降過度應致淫害復須奉幣祈止如
初儀

苑有神龍

見麟虫
門龍部

香油紙米

元慶元年六月十四日左辨官權使部桑名
吉備麻呂言降雨之術請被給香油紙米等
試行之三日之内必令有驗於是給香一升
油一斗紙三百張五色純各五尺絹一匹土
器等十五日雷而不雨十六日大雷微雨三代

實錄

喜雨部

聖德所感

延曆七年夏四月癸巳自去冬不雨既經五
箇月灌溉已竭公私望斷是日早朝天皇沐
浴出庭親祈焉有頤天閣雲合雨降滂沱群
臣莫不舞蹈稱萬歲因賜五位以上御衾及
衣咸以為聖德至誠祈請所感焉

續日本紀

不可不賀

大同三年五月壬寅奉黑馬於丹生川上雨
師神祈雨甲辰雨群臣言今日其雨不可不
賀皇帝曰朕亦有此情終日有司奏樂賜物
有差 日本記畧

卿等弼諧

兼和七年六月敕報公卿論奏曰去年炎旱

鳴蟬之稔不昇今夏騫陽封蟻之徵欲缺而
上天反異惟神降休雨師俄奔於四溟其澤
終遍於八極是則卿等能施變復以申弼諧
感動彼蒼用招燮理之所致也卿等贊揚嘉
應歸于朕躬朕之涼德何以當之 續日本後
紀
以為喜澍

承和十一年九月辛丑朔雨快降先是不雨

已久井泉涸竭故令人々以爲喜澍

仗下預賜

元慶四年五月二十日快雨勅錄八卿及近

衛兵衛衛門六府官人已下見任陳頭者奉政

曰任疑以穀倉院調布賜之公卿加賚內藏

寮御服絹各有差外記內記侍仗下者亦預

焉賀井澍也三代實錄

旱部

五月不雨

延曆七年夏四月癸巳自去冬不雨既經五

箇月灌溉已竭公私望斷是日早朝天皇沐

浴出庭親祈焉有頃天闇雲合雨降滂沱續日

本紀

詔停節宴

延曆十年五月乙丑天皇以天下諸國頻苦旱疫詔停節宴

皇天報應

承和七年六月公卿重奏曰夫周后雲漢鄭伯桑山空聞其祈不見其驗今皇天報應離畢滂沱續日本後紀

太子減膳

同年冬十月丙午皇太子御膳准弘仁九年例每物減四分之一以旱也

不舉音樂

天安元年重陽節天皇不御南殿命公卿賦詩賜祿如常儀雖開宴筵不舉音樂緣旱雲不霑秋稼為害也文德實錄

捕噉鮎魚

貞觀八年六月天下大旱民多飢餓東堀河
多鮎魚京師人捕噉之三代實錄

非祈何濟

大同四年秋七月辛酉敕頃來炎旱為災水

陸焦枯若非禱祈何濟斯難云云宣國司齋

戒依例祈雨日本記略

荒歲部

天下大飢

推古天皇三十四年天下大飢老者噉草根
而死于道垂幼者含乳以母子共死又強盜
竊盜並大起不可止日本書紀

詔減調半

大寶三年災異頻見年穀不登詔減京畿及

太宰府管内諸國調半并免天下之庸續日本紀

情深傷惻

天平寶字七年八月辛未朔勅曰如聞去歲霖雨今年亢旱五穀不熟米價踊貴由是百姓稍苦飢饉加以疾疫死亡數多朕每念茲情深傷惻宜免左右京畿內七道諸國今年田租

國司之咎

天平寶字七年九月勅曰疫死多數水旱不時神火屢至徒損官物此者國郡司等不恭於國神之咎也又一句亢旱致無水苦數日霖雨抱流七嗟此者國郡司等使民失時不修隄堰之過也自今以後若有此色自自已上宜悉遷替不須久居勞擾百姓更簡良材

速可登用遂使拙者歸田賢者在官各修其
職務無至民憂

復二萬人

兼和八年二月出羽國百姓二萬六百六十

八人賜復一年以年穀不登飢饉相仍也日續

本後紀

爭事強盜

仁壽四年陸奧國奏曰去年不登百姓困窮
兵士逃亡已之屯戍今虎狼之類爭事強盜
逆亂之萌近在目前請發援兵二千人以備
不虞文德實錄

人馬相食

二十八年郡國大水京師河灘破溢人馬相
食勅莫獻今年田租調庸天書

岡崩家避

地震

天武天皇七年十二月筑紫國地大動地裂
廣二丈長三千餘丈百姓舍屋每村多仆壞
是時百姓一家在岡上當于地動夕以岡崩
處遷然家既全而無破壞家人不知岡崩家
避但會明後知以大驚焉

未曾有也

地震

十三年十月壬辰逮于人定大地震舉國男
女叫唱不知東西則山崩河漏諸國郡官舍
及百姓倉屋寺塔神社破壞之類不可勝數
由是人民及六畜多死傷時伊豫湯泉沒而
不出土龙國田苑五十餘萬頃沒為海古老曰
若是地動未曾有也

信濃灰零

十四年三月灰零於信濃國草木皆枯焉

蝗

大寶元年參河遠江相摸近江信濃越前依

渡但馬伯耆出雲備前安藝周防長門紀伊

讚岐伊豫十七國蝗續日本紀

八月朔伊勢國上言有蝗虫食稼其頭赤如

丹背青黑腹斑駁大者一寸五分小者一寸

種類繁聚一日所食四五許町其所一過無

有遺穗三代實錄

地震折裂

天平六年夏四月戊戌地大震壞天下百姓

廬舍壓死者多山崩川擁地往々折裂不可

勝數續日本紀

檢看山陵地震

同年詔曰今月七日地震殊常恐動山陵宜遣諸王真人副土師宿祿一人檢看諱所八處及有功王之墓

政事有關 地震

同年詔曰地震之災恐由政事有關凡厥庶寮勉理職事自今以後若不改勵隨其狀迹必將貶黜焉

觸處崩壞 地震

天平十七年夏四月甲寅通夜地震三日三夜養濃櫓館正倉佛寺堂塔百姓廬舍觸處崩壞

水泉涌出 地震

同年五月地震異常往々折裂水泉涌出

三合

天平寶字二年敕太史奏云案九宮經來年
己亥當會三合其經云三合之歲有水旱疾
疫之災如聞摩訶般若波羅密多者是諸佛
之母也四句偈等受持讀誦得福德聚不可
思量是以天子念則兵革災害不入國裏庶
人念則疾疫厲鬼不入家中斷惡獲祥莫過
於此空告天下諸國莫論男女老少起坐行

步口閉皆盡念誦摩訶般若波羅密其文武
百官人等向朝赴司道路之上每日常念勿
空往來庶使風雨隨時咸無水旱之厄寒溫
調氣悉免疾疫之災普告遐迹知朕意焉
貞觀十五年癸巳二月二十三日戊午陰陽
寮言今茲天行應慎稼穡不登以歲當三合

也三代實錄

十一月十五日陰陽寮言黃帝九宮經肅吉
九宮篇云承天之道因人之情上占三元下
用五行三神相合名曰三合所謂三神者大
歲害氣太陰是也今自上元己亥至于本朝
貞觀十八年丙申積年四千九百一十八年
也以三元百八十除之今中元之末河元之
內也奉政曰河三合之運當在明年經曰毒
疑下之誤

氣流行水旱接並苗稼傷殘災火為殃寇盜
大起兵喪疾疫競並起實是雖當五行之理
運而弭災之術既在祈禱夫禍福之應譬猶
影響吉凶之變慎與不慎也當此時人君修
德施行仁自然銷災致福去天平寶字三年
己亥歲當三合之理運是則三元大終而五
德復始之年矣上元之三合初在斯歲

山崩埋里地震

弘仁九年秋七月相摸武藏下總常陸上野下野等國地震山崩或埋數里壓死百姓不可勝計類聚國史

神池涸竭德必勝天

天長二年夏四月庚辰詔曰太宰府言上在肥後國阿蘇郡神靈池遭旱澇不增減而無

故涸渴二十餘丈者去延曆年中有此怪當時卜之旱疫告咎前事不忘取鑑今日疑是政術有乖戒以不祥歟昔周文引過消震地之災宋景勵精移妖星之咎乃知德必勝天善能除患

數月地震

天長四年秋七月辛未地大震多頽舍屋一

日之内大震一度小動七八度癸酉地動不止亥刻地大震每地震皆有聲甲戌震動乙亥地震二度戊寅地大震二度庚辰地震辛巳地震癸未卯刻地震午四刻地震夜半地亦震甲申雷動雨降戌刻地震丙戌地大震戊子地震己丑地震午刻亦大動未刻亦動八月壬辰地震甲午地震乙未午刻地震子

刻地震甲午地震乙未午刻地震子刻地震丑刻亦地震丁酉地震辛丑地震癸卯地動有聲如雷甲辰地動乙巳申刻地震戊申地震辛亥地震癸丑辰刻地動酉刻又地動九月庚申地震聲如雷辛酉亦如之丙寅地動丁卯地動聲如雷戊辰亦如之己巳地動壬申地震有聲甲戌地大震有聲己卯地震

如雷

冬十月庚寅地震聲如雷寅刻又地動壬辰酉刻地震巳亥地震

十一月癸酉地震庚辰地大震聲如雷壬午地震丁亥地震

十二月戊子地震己丑地震辛丑地震癸卯雪降地震丙午地震

河底辟分地震

天長七年春正月癸卯出羽國驛傳云鎮秋田城國司正六位上上總介藤原朝臣行則今月三日酉時牒稱今日辰刻大地震動響如雷霆登時城廓官舍并四天皇寺丈六佛像四王堂舍等皆悉顛倒城內屋仆擊死百姓十五人支體折損之類一百餘人也歷代

以來未曾有聞地之割辟或所三十許丈或
處二十許丈無處不辟又城邊大河之秋田
河其水涸盡流細如溝疑是河底辟分水漏
通海歟吏民騷動未熟尋見漆河霸別兩岸
各崩塞其水汎溢近側百姓懼當暴流競涉
山岡理須細錄損物馳牒而震動一時七八
度風雪相并迄今不止後害難知官舍埋雪

不能辨錄夫邊要之固以城爲本今已頽落
何天非常仍須差諸郡援兵相副見兵備不
虞者臣未審商量事在意外仍且差援兵五
百人配遠准令馳驛言上但損物色自細錄
追上

水

嘉祥三年七月己亥大雨大極殿龍尾道十

二丈為水潦所決壞文德實錄

山崎橋斷

嘉祥三年秋大水山崎橋斷帝以為河橋易

懷奉政曰懷懷當作壞依水浸齒得其便地自無所害

是日詔遣中納言安倍安仁源弘參議滋野

貞主伴善男就山崎以察利害求其便地乃

定置橋

地震

嘉祥三年十月出羽國上言地大震裂山谷

易處壓死者衆

齊衡三年三月地數震京師及城南或屋舍

毀壞或佛塔倚傾

如火光

仁壽元年秋七月壬辰夜有如火光者墜於

殿前左右驚亂須臾乃定

人民為魚水

仁壽元年詔曰去夏人民或坐為魚今秋序

宅乍成涌川

獨繫樹抄水

橘百枝家在大和國山邊郡池堤頽破洪流

湧溢倉舍家口悉皆漂失百枝獨繫樹抄纔

得存命

天雨黑灰

齊衡三年八月安房國言天雨黑灰從風而

來委地三四許分

有聲

天安元年七月己亥巽維有聲如雷四五度

辛丑乾維有聲如雷五六度又巽維時有

聲如雷癸卯乾巽兩維有聲如雷

庭中如池水

天安二年五月大雨洪水汎溢河流盛溢水
勢滔々平地浩々橋梁斷絕道路成川東堀
川水入冷然院庭中如池左衛門陣直廬浮
流公卿諸司百寮各率僚下或草履或徒跣
競趣水畔堀決禦流池魚浮蕩頰尾甚多亦

左右京被水害流死者衆矣

空中雞鬪

天安二年六月壬辰雷雨此夜左近衛大宅
年麻呂於北野見當稻荷神社空中有兩雞
相鬪其色似赤相鬪之間毛羽散落地雖相
隔見似眼前良久而止此語類妖妄

禁中飛鳴

承和元年二月辛未是夕當于禁中之上有
飛鳴者其聲似世俗所謂海鳥鴨女者其類
數百群或言非海鳥是天狐也奉政曰天狐當作妖
衛人等仰天窺望夜色冥朦唯聞其聲不辨
其貌焉續日本後紀

有物如粉

承和五年五月癸酉有物如粉從天散落逢

雨不銷或降或止

物名米華

同年從七月至九月河內參河遠江駿河伊
豆甲斐武藏上總養濃飛彈信濃越前加賀
越中播磨紀伊等十六國一一相續言有物
如灰從天而雨累日不止但雖似恠異無有
損害今茲畿內道俱是豐稔五穀價賤老農

名此物米華云

赤氣如炬

美和六年六月丁丑夜有赤氣方三十丈從坤方來至紫宸殿之上去地二十許丈光如炬火須臾而滅

墻屋倒頽地震

八年信濃國言地震其聲如雷一夜間凡十

四度墻屋倒頽公私共損

橋斷堤隕水○見地道

陵谷易處地震

貞觀五年六月十七日越中越後等國地大震陵谷易處水泉涌出壞民廬舍壓死者衆

自此以後每日常震三代實錄

驚濤涌潮地震

十一年五月二十六日陸奧國地大震動流
光如晝隱映頃之人民叫呼伏不能起或屋
仆壓死或地裂埋殪馬牛駭奔或相昇蹈城
墻倉庫門櫓墻壁頽落顛覆不知其數海口
哮吼聲似雷霆驚濤涌潮沂洄漲長忽至城
下去海數千百里浩浩不辨其涯渙原野道
路總為滄溟乘船不遑登山難及溺死者千

計資產苗稼殆無孑遺焉

陷而為海水

貞觀十一年七月十四日肥後國大風雨飛
瓦拔樹官舍民居顛倒者多人畜壓死不可
勝計潮水漲溢漂沒六郡水退之後搜漉官
物十失五六焉自海至山其間田園數百里
陷而為海

新田壇自開陷

貞觀十四年春正月石見國廳事壇三處自
開陷一處深七尺徑二尺一處深五尺徑二
尺一處深七尺徑一尺五寸

晝暗雨沙

貞觀十六年秋七月二十九日太宰府言去
三月四日夜雷霆發響通宵震動遲明天氣

蒙晝暗如夜于時雨沙色如聚墨終日不止
積地之厚或處五寸或處可一寸餘比及昏
暮沙變成雨禾稼得之者皆致枯損河水
和沙更爲盧濁魚鱉死者無數人民有得食死
魚者或死或病

災因佛像

貞觀十六年八月二十四日大風雨折樹發

屋紫宸殿前櫻東宮紅梅侍從局大梨等樹
木有名皆吹倒內外官舍人民居廬罕有全
者京邑衆水暴長七八尺水流迅激直衝城
下大小橋梁無有子遺朱雀大路豐財坊門
倒覆抱關兵士并妻子四人壓死東西河流
汎溢蕩々百姓及牛馬沒溺死者不知其數
與度渡口四邊三十餘家山崎橋南四十餘

家流土人居屋中隨流蕩去者甚多一婦人
提携兩兒在小倉中排扉隨河水而流下舉
手招呼岸上人來救人々号哭百方相計水
勢奔涌遂不能授手至觸橋柱倉壞人沒權
律師法橋上人位宗叡豫造御願寺在山城
國愛宕郡栗栖野堂舍顛覆佛像元在北山
高岑寺貞觀十三年大雨水自然以大巖石

塞其道路行人不通去高峯寺移立於栗栖
野又去年京師大雨雹時人皆曰此三度災
因彼像而發焉是日班幣畿內諸神所止風
雨奉政曰所時論或云今年洪水增於嘉祥
元年六尺有餘

星月晝見

貞觀十七年六月三日日少光星月並晝見

四日星月並晝見五日星月並晝見

或地窟陷地震

元慶二年九月二十九日夜地震是日關東
諸國地大震裂相摸武藏特為尤甚其後五
六日震動未止公私屋舍一無全者或地窟
陷往還不通百姓壓死不可勝記

側身修職

元慶四年是時右大臣攝政

奉政曰藤原朝臣基經

每

遇水旱灾異側身修職欲消去之密勿祇畏

茶事神明

居廬顛倒

地震

冬十月二十七日出雲國言今月十四日地

大震動境内神社佛寺官舍及百姓居廬或

顛倒或傾倚損傷者衆其後迄于二十二日

晝一二度夜三四度微々震動猶未休止

雨石似鏃

元慶八年九月二十九日出羽國司言今年

六月二十六日秋田城雷雨晦冥雨石鏃二

十三枚七月二日飽波郡海濱雨石似鏃其

鏃皆向南陰陽寮占云彼國之憂應在兵賊

疾疫

粉土之恠

仁和元年冬十月九日先是太宰府言上管
肥前國自六月澍雨不降七月十一日國司
奉幣諸神延傳轉經十三日夜陰雲晦合間
如雨聲遲明見雨粉土屑砂交下境內水陸
田苗稼草木枝葉皆悉焦枯俄然降雨洗去
塵沙枯苗更生薩摩國言同月十二日夜晦

冥衆星不見砂石如雨檢之故實穎娃郡正
四位下開聞神發怒之時有如此事國宰潔
齊奉幣雨砂乃止八月十一日震聲如雷燒
炎甚熾雨砂滿地晝而猶夜十二日自辰至
子雷電砂降未止砂石積地或處一尺已下
或處五六寸已上田野埋瘞人民騷動至是
神祇官卜云粉土之恠明春彼國當有災疾

陰陽寮占云府邊東南之神當遷去於隣國
由是蠶麻穀稼有致損耗是以下知府司令
彼兩國奉幣部內衆神以祈冥助焉

立七丈帷地震

仁和三年秋七月三十日申時地大震動經
歷數尅震猶不止天皇出仁壽殿御紫宸殿
南庭命大藏省立七丈帷二爲御在所諸司

舍屋及東西京廬舍往々顛覆壓殺者衆或
有失神頓死者亥時亦震三度五畿內七道
諸國同日大震官舍多損漲陸溺死者不可
勝計其中攝津國尤甚夜中東西有聲如雷
者二

祥瑞部

芝草

天武天皇八年紀伊國伊刀郡貢芝草其狀

似菌莖長一尺其蓋二圍日本書紀

仁壽元年八月駿河國獻瑞草紫葉朱莖或

謂之芝文德實錄

白雉

天平神護二年武藏國獻白雉敕朕以虛薄
謬奉洪基君臨四方子育萬類善政未洽每
兢情於負重淳風或騁常駭念於馭奔於是
武藏國橘樹郡人飛鳥部吉志五百國於同
國久良郡獲白雉獻焉即下群卿議之奏云
雉者斯良臣一心忠貞之應白色乃聖重光
照臨之符國号武藏既呈哉武崇文之祥郡

稱久良是明賢曆延長之表姓是吉志則標
逃民子來之心名五百國固彰五百朝貢之
驗朕對越嘉貺還愧寡德續日本紀

百靈効祉

延曆四年六月右大臣從二位兼中衛大將
臣藤原朝臣是公等卒百官上慶瑞表其詞
曰臣聞德動天地無遠不臻至誠有感在幽

必達伏惟皇帝陛下道格乾坤澤沾勲植政
化以洽品物咸享皇后殿下德超娥英功軼
姪姒母儀方闡厚載既隆故能兩儀合德百
靈効祉白鷄產帝畿以馴化赤雀翔皇宮而
表禎稽驗圖牒僉曰休徵斯實曠古殊貺當
今嘉祥卒土怵舞莫不幸甚

希世之瑞

天長三年十二月右大臣藤原朝臣緒嗣等
言伏見少外記從六位下都宿祢廣田麻呂
左大史正六位上御野宿祢清庭等奏偁去
七月十六日申刻有五色雲見於豐樂殿之
西又紀伊國守從五位下占野王等奏偁去
八月二十八日慶雲見於海部郡賀多村伴
島上又太宰大貳參議從四位下小野朝臣

峯守等奏，傳去七月七日慶雲見于筑前國
那賀郡之上，竝皆彩色紛郁美麗，非常臣等
謹按孫子瑞應圖曰：慶雲，太平之應也。禮斗
威儀曰：政和平則慶雲至。孝經援神契曰：德
至山陵則慶雲出。夫殿號豐樂，驗四海之歡
娛，島名聖諱，表一人之有慶。斯實曠古之所
希有，歷世之所難逢也。臣等幸值會昌之期，

頻覩希世之瑞，其為抃躍寔百，恒品不勝悅
豫之至。類聚國史

輸遊不憇

龜生於金而遊於火，今生得其正，自金方而
來，輸遊不憇，時在火候而入，負未有色。將方
叶時與正符如此之奇也。皆天之氣食土之

毛續日本後紀

甘露

嘉祥三年七月石見國獻甘露味如飴餠文德

實錄

仁壽二年五月癸巳甘露降於京師樹上及

大和越前加賀但馬因幡伯耆隱岐播磨長

門等九國並言甘露降

王者和氣

嘉祥三年八月公卿抗表曰伏見石見國所

管安農郡川合郡甘露降臣等謹案瑞應圖

云王者和氣茂則甘露降於草木食之令人

壽

豈慮甘露

上德不德盛德之祥無聞太聖施聖應聖之

瑞自廢誠能道德成曹仁義為巢誰須千歲

之靈龜百物咸盈豈慮曠時之井液漢光晉
武足爲吾師陳賀之言非攸欲聽

不世鴻符

即知天上井露之淵未必爲朕而灑水中神
蔡之智豈能賴朕而浮故斷尚書之章不聽
群臣之賀而今攝津畿服之地亦獲神龜而
獻之僉謂不世之鴻符難得而廢矣

優異天貺

朕重違敦請再三念之若是百神七廟之顧
復萬民三槐九棘之緝熙庶積之所致者乎
有司其擇吉日告於崇社夫封壇馬齒獻瑞
不垣天貺攸降理須優異

獻嘉禾

仁壽元年八月河內國獻嘉禾一莖三穗

苑生白鹿

元慶七年五月二十六日神泉苑裏舊有放鹿是日生白鹿遠客來朝得此禎祥豈不懿

歟三代實錄

